

Script of Evening Gojri News Bulletin 29 June 2024 at 1700 Hrs

ايوننگ گو جری نیو ز بلیٹن مو رخہ 29 جون 2024

یوہ آکا شوانی جموں ہے محمد اکرم تے محبوب سلطانی تیں خبر سُنو۔ پہلاں خاص خاص خبر۔

* 52-1 تہاڑاں ور مشتمل سالانہ امرناتھ یا ترا اج توں شروع ہو گئی ہے۔ وزیر اعظم نریندر مو دی نے یا تریاں نانہ مہا رکبا د پیش کی ہے۔

* 2 مرکزی زیر انتظام علاقہ لداخ مانہ اصل قبضہ لکیر کولے جنگی مشق غے دوران سیلاب آن ور اک جے سی او سمیت 5 جوان شہید ہو گیا ہیں۔

* 3 لیفٹنٹ گو رنر منوج سنہا نے کہیو ہے کہ وکست بھارت غا خواب نانہ پورو کرن واسطے سٹارٹ اپس غو اہم رول ہے۔

* 4 تے بین القوامی ٹی ٹوانٹی عالمی کپ غافاننل مانہ اج شام بھارت گو مقابلو جنوبی افریقہ سنگ وے گو۔

خبران غی تفصیل نال پہلاں محبوب سلطانی۔

Amarnath Yatra Start

بُنجا (52) تہاڑاں ور مشتمل سالانہ امرناتھ یا ترا اج توں شروع ہو گئی ہے۔ اس سلسلہ مانہ یا تریاں گو پہلو جتھو اج سویرے حفاظت غا کڑا بندوبست اندر بالتال تے پہلگام آلے رستے پو تر گپھا در روانہ کیو گئیو ہے۔ یاه یا ترا 19 اگست شراون پُرنیما غا مہا رک موقع ور اختتام پزیر وے گی۔ اس سلسلہ مانہ یو ٹی انتظامیہ غی طرفوں اس سال یا ترا نانہ پُرنیما پو ر ور منعقد کرن واسطے حفاظت غا تگڑا بندوبست کیا گیا ہیں۔ اُونگاں بھگوتی نگر بنیا دی کیمپ توں 4 ہزار 29 یا تریاں غو دوجو جتھو سخت حفاظتی بندوبست اندر وادی کشمیر واسطے روانہ ہو گئیو ہے۔ تے اس طرح جموں بنیا دی کیمپ توں امرناتھ شرائین واسطے روانہ ہون آلا یا تریاں غی تعداد 8 ہزار 6 سو 32 تک پُچ گئی ہے۔

PM Amarnath Yatra

اج توں شروع ہوئی شری امرناتھ جی یا ترا ور وزیر اعظم نریندر مو دی نے نیک خواہشات غو اظہار کیو ہے۔ اک سماجی میڈیا پوسٹ مانہ جناب مو دی نے کہیو ہے یاه یا ترا بابا برفانی غا درشن تے عبادت کرن سنگ جڑی وی ہے۔ جہیڑی کے بابا برفانی غا عقیدت منداں مانہ بے پناہ جوش و جذبہ پیدا کرے۔ اُنگاں وزیر داخلہ امت شاہ نے امرناتھ یا ترا شروع ہون ور عقیدت منداں نانہ مہا رکبا دتی ہے۔ جناب شاہ نے مزید کہیو ہے وزیر اعظم نریندر مودی غی رہنمائی مانہ سرکار یا تریاں نانہ محفوظ، بغیر رکاوٹ تے خوشگوار سفر مہیا کرن غی واعدہ بند ہے۔

Ladakh Tank Accident

مرکزی زیر انتظام علاقہ لداخ مانہ گذشتہ رات ٹینکاں غی جنگی مشق غے دوران فوج غا 5 اہلکار شہید ہو گیا، یوہ واقعہ اُس ویلے پیش آيو جد اصل قبضہ لکیر غے نیڑے دولت بیگ اولڈ علاقہ مانہ جس ندی تیں ٹینک گزر رہیا تھا مانہ اچانک سیلاب آگيو۔ اک سرکاری بیان مانہ دفاعی ترجمان نے کہیو ہے جے یوہ حادثہ فوجی تربیتی سرگرمی تیں دستبدار ہون غے دوران پیش آيو۔ مزید کہیو ہے جے فوج غو ٹی 72 ٹینک مشرقی لداخ مانہ دریا ئے شیوک

مانہہ اضافہ غی وجہ سنگ حادثہ غو شکار ہو گیو۔ اس سلسلہ مانہہ وزیر دفاع راجناتھ سنگھ نے بھارتی فوج غا 5 جواناں غا شہید ہون ور دُنگا دُکھ غو اظہار کیو ہے۔ اک سماجی میڈیا پیغام مانہہ جناب سنگھ نے سوگوار خانداناں سنگ تعزیت غو اظہار کرتاں واں کہیو ہے ملک غا لوک بہا د رفوجیاں غی قوم واسطے مثالی خدمات نانہہ کدیوں وی نہیں بھولیں گا۔

MEA

بھارت نے بین القوامی مذہبی آزادی 2023 ور امریکی محکمہ خارجہ غی رپورٹ نانہہ مسترد کر دتو ہے۔ گذشتہ شام نوی دہلی مانہہ ذرائع ابلاغ غا نمائنداں سنگ گل کرتاں واں وزارت خارجہ غا ترجمان رندھیر جیسوال نے کہیو ہے اس رپورٹ مانہہ بھارت غا سماجی تاناہانا با رے سمجھ غی کمی ہے۔ انہاں نے مزید کہیو ہے یاہ رپورٹ یک طرفہ ہے اور اس نانہہ ووٹ بینک بچان غا نظریہ سنگ تیار کیو گیو ہے۔ جناب جیسوال نے کہیو ہے یاہ رپورٹ بذاتِ خود تاثرات غلط بیاناں تے حقائق غو منتخب استعمال کر غے تیار کی گئی ہے۔ انہاں نے مزید کہیو ہے اس رپورٹ مانہہ پہلاں توں تصور شدہ بیاناں نانہہ اگے بدھان واسطے چُن چُن غے واقعات غو انتخاب کیو گیو۔

MKB

وزیر اعظم نریندر مو دی پلک سویرے 11 بجے اپنا من کی بات پروگرام غے تحت مُلک تے بیرون ملک رہ رہیا بھارتیہ لوکاں سنگ اپنا خیالات سانجھا کریں گا۔ مہینہ وار ریڈیو پروگرام من کی بات غی یاہ 1 سو 11 ویں قسط وے گی۔ جد کہ جناب مو دی غی طرفوں تیجی بار وزیر اعظم غو عہدو سنبھالناں توں بعد یاہ اُن غی پہلی گل بات وے گی۔ اس پروگرام نانہہ آکا شوانی، دور درشن، آکا شوانی نیوز ویب سائٹ تے نیوز آن انیر ایپ ور براہ راست نشر کیو جائے گو۔ اس تیں علا وہ انیر نیوز، ڈی ڈی نیوز تے اطلاعات و نشریات غی وزارت گا یو ٹیوب چینلاں توں وی براہ راست اس پروگرام نانہہ نشر کیو جائے گو۔ تاہم آکاشوانی غی طرفوں ہندی نشریات غے فوراً بعد علاقائی زبانان مانہہ وی اس پروگرام نانہہ نشر کیو جائے گو۔

E Bus Sunderbani

جموں سمارٹ سیٹی لمیٹڈ غی طرفوں جموں توں سُندر بنی واسطے ای بس خدمات شروع کی گئی ہے۔ جموں سمارٹ سیٹی لمیٹڈ غے مطابق یاہ خدمات سویرے 6 بجے جموں بس اڈہ تیں شروع وے گی جد کہ سُندر بنی توں آخری بس 12 بج غے 50 منٹ ور جموں آلے پاسے روانہ ویں گی۔ اس سفر واسطے 210 روپیہ کرایو طے کیو گیو ہے۔

Suinar Poonch

بھارتی فوج نے ضلع پونچھ غا سوئی نار علاقہ مانہہ گجر بکروال قبیلہ سنگ تعلق رکھن آلا ضرورت مند طالب علماں واسطے گرمائی کلاساں غو اہتمام کرن غے نال نال اُن مانہہ کتاب تے سٹیشنری غو دوجو سامان وی تقسیم کیو ہے۔ یاہ سہولت اُن گُنیاں نانہہ فراہم کی گئی ہے جہیڑا گرمیاں غا موسم مانہہ اپنا بچاں سمیت پیر پنچال غا بالائی علاقان در چلا جائیں۔ اور بچہ تعلیمی سہولت تیں محروم ہو جائیں۔ اس پہل غو مقصد تمام بچاں مانہہ لازمی تعلیم غے متعلق بیداری عام کرنو ہے تا نجبے سماج مانہہ تعلیمی شعور پیدا کیو جا سکے۔

یہ خبر تم آکا شوانی جموں تیں سُن رہیا ہیں خبراں غا باقی حصہ نال محمد اکرم۔

LG Start ups

لیفٹنٹ گورنر منوج سنہا نے سٹارٹ اپس نانہ یونیورسٹیاں تے صنعتاں بشکا فرق ختم کرن واسطے اک طاقتور ہتھیار قرار دتو ہے۔ جناب سنہا نے تعلیمی اداراں مانہ ایجادات تے تجا رتی یونٹ گافروغ واسطے لسانیات توں شروع ہون الا سٹارٹ اپس بارے کہیو جے یاہ معیشت نانہ بدلن غی صلاحیت رکھے بیوٹی جموں کشمیر غی ترقی پزیر معیشت نانہ لسانیات ور مبنی سٹارٹ اپس غا کردار غا موضوع ور اک قومی سیمینار سنگ خطاب کرتاں واں ایل جی موصوف نے مستقبل غا سٹارٹ اپس کا روبا ریاں نانہ کہیو جے فرسٹ پروبلیم ور توجہ مرکوز کریں نہ کہ پروڈیکٹ فرسٹ ور تانجے اُن گا خیالات وکست بھارت غی پیش رفت مانہ مزید تیزی لیا سکیں۔

Poonch PMGSY

ضلع ترقیات کمشنر پونچہ یسین محمد چودھری نے پی ایم جی ایس وائی غا افسراں ور زور پاتاں واں کہیو ہے جے ضلع مانہ چل رہیا ترقیاتی پروجیکٹاں اندر معیار نانہ یقینی بنایو جا ئے اور تمام تر پروجیکٹاں نانہ مٹھی وی مدت اندر مکمل کیو جائے۔ مہارا آکا شوانی پونچہ غا نمائندہ نے دسیو ہے جے انہاں نے انہاں گلاں غو اظہار ترقیاتی کم کاج ور جائزہ میٹنگ غے دوران کیو۔ ڈی سی موصوف نے افسراں نانہ ہدایت دیتاں واں کہیو جے ڈھانچہ غا کم کاج تے خصوصی طور ور اہم سڑک تے پُل غا کم کاج نانہ مٹھی وی مدت اندر مکمل کریں۔ انہاں نے پی ایم جی ایس وائی غی طرفوں بکھ بکھ سڑکاں غی تعمیر بارے بوئی پیش رفت بارے جانکاری وی حاصل کی۔ تے انہاں نے متعلقہ افسراں نانہ ہدایت جاری کرتاں واں کہیو جے اُن ٹھیکیداراں غی تفصیل جمع کرائی جائیں جنہاں نے طے شدہ مدت اندر کم شروع نہیں کیو ہے۔

Rajouri Tourism

ضلع راجوری مانہ تاریخی درہال چھمب آشار سیاحاں غی پہلی پسند بن غے ابھر رہیو ہے۔ سرکار تے محکمہ موسمیات اس جگہ غو ترقیاتی کم کر رہی ہے۔ ات لوکاں غا بیسن تے رُکن واسطے ہنر تعمیر کیا جا رہیا ہیں۔ تانجے بڑی تعداد مانہ لوک سیر واسطے آویں۔ مہارا نمائندہ سنگ گل کرتاں واں کُجھ سیاحاں نے اس طرح کہیو۔۔۔ بانٹ۔۔۔

JPDCL

جموں بجلی ترقیات کارپوریشن لمیٹڈ غی طرفوں 15 افسراں ور مشتمل اک معائنہ ٹیم بنائی گئی ہے۔ جس غو مقصد جموں مانہ بجلی چوری بارے چیکنگ کرنو ہے۔ جے پی ڈی سی ایل غی طرفوں جاری اک بیان مانہ دسیو گیو ہے کہ اس ٹیم نانہ کہیو گیو ہے کہ واہ معائنہ ڈاتا تے عوامی معلومات غی بنیاد ور کریں۔ اور اس ضمن مانہ اک رپورٹ تیار کریں۔ جس سنگ ثبوت غے طور ور تصویر اور ویڈیو وی بنائی جائے۔ تانجے قانون غی متعلقہ سیکشنناں غے تحت مقدمہ درج کیو جا سکے۔ اس سلسلہ مانہ اگر کوئی وی صارفین بجلی چوری کرتو پایو گیو اُس ور بجلی قانون 2003 غی دفعہ 135 غے تحت کاروائی کی جائے گی۔

ARTO Kishtwar

اسسٹنٹ ریجنل ٹرانسپورٹ افسر کشتواڑ نے گذشتہ روز ضلع غی دچھن سڑک ور گڈیاں لا ریاں غی چیکنیگ مہم چلائی۔ تے ٹریفک قوانین غی خلاف ورزی کرن ور 58 گڈیاں ور جرمانو کیو گیو۔ اے آر ٹی او محمد سلیم غی سربراہی مانہ ٹیم نے 19 طلباء نانہ لے جان آلی اک اور لوڈ ایکو گڈی نانہ وی ضبط کیو ہے جس گڈی غو نمبر JK17-6180

ہے تے ڈرائیور غو لا نسنس رد کرن غی سفارش کی ہے۔

T20

آئی سی سی مرداں غا ٹی 20 عالمی کپ 2024 فائنل مانہ اج باربا ڈوس مانہ بھارت غو جنوبی افریقہ سنگ مقابلو وے گو۔ یہ دوئے ٹیم ٹورنامنٹ مانہ نا قابل شکست رہی ہیں۔ یہ میچ بھارتیہ وقت غے مطابق رات 8 بجے شروع وے گو۔ یاد رہ جے روہت شرما غی کپتانی مانہ ٹیم انڈیا غو کا فی بلند ہے۔ کیونجے اس نے سیمی فائنل مانہ دفاعی چمپئن انگلینڈ مانہ 68 دوڑاں سنگ شکست دے گے مرداں غا ٹی 20 عالمی کپ فائنل مانہ جگہ بنا لی ہے۔ واضع رہ جے ٹورنامنٹ غا فائنل مانہ بھارت غی یاہ تیجی اینٹری ہے۔

اس غے نال ہی خبراں غو یوہ بلیٹن ختم ہوؤ۔